

Inissiamik attartorsinnaanermut peqqussutip allanngortinneqarnissaanik, ilanngullugulu inuit ataasiakkaat najugaqarfigisinnaasaat pillugit ilaneqarnissaanik Inatsisartut kingusinnerpaamik ukioq 2012-imi upernaakkut ataatsimiinnissaannut ineqarnek pillugu maalaaruteqartarfiup pisinnaatitaanerata annertusineqarnissaanut Naalakkersuisut saqqummiusseqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Olga P. Berthelsen, Inuit Ataqtigiit)

Akissuteqaat

(Ineqarnermut, Attaveqarnermut Angallanermullu Naalakkersuisoq)

Siullermeerinnineq

Naalakkersuisut aalajangiiffigisassatut siunnersuutigineqartumut pingaarutilinnik pitsaasunillu taakkartuiffiusumut qujapput. Siunnersuut Naalakkersuisunit isumassarsiaalluarsorineqarpoq, kisiannili isummersuutit makkua oqaatigissallugit.

Soorlu inatsisartunut ilaasortap ataqqinartup oqaatigereeraa Ineqarnermut, Attaveqarnermut Angallanermullu Naalakkersuisoqarfik ilaatigut inissianik attartortitsisarnermut suliassaqarfimmi inatsisunik nutarterinissamut 2011-mi immikkut aningaasaliiffigineqarpoq.

Tamatumunnga atatillugu oqaatigisinnaavara suliassaq aallarereermat aammalu inissianik attartortitsisarneq pillugu Inatsisartut inatsisissaattut siunnersuut Ineqarnek pillugu maalaaruteqartarfiup naammagittaalliuuteqartarfiujunnaarluni isumaqatigiinngissutit pillugit ataatsimiititaliannngortinneqarnissaa pillugu aalajangersakkanik imaqassalluni, tassanilu pisortat inissiaataannik namminersortullu inissiaataannik attartortitsineq pineqartunut ilaatinneqassaaq. Aammattaaq Ineqarnek pillugu maalaaruteqartarfiup aalajangiinerisa tamarmik pinngitsaaliissummik naammassineqarsinnaanissaannut qularnaarisoqassaaq.

Taamaattumik Naalakkersuisut taamatut naatsumik oqaaseqarlutik aalajangiiffigisassatut siunnersuutip sulinermut aallarereersumut ilanngunneqarluni akuerineqarnissaa kaammattuutigaat.